

人哉且高鳥盡良弓藏狡兔死獵狗烹勢使然也惟體天道之盈虛知進退存亡者至人哉

黃茂材曰功者無功之功非世所謂功也名者無名之名非世所謂名也功成名遂而身退觀諸四時之序亦可以見天道老莊列子范蠡四皓安期生東方朔古之有道者也史皆不載其所終豈非道成而退人莫得而知耶

### 載營魄章第十

載營魄抱一能無離乎

御註曰魄陰也麗於體而有所止故老氏於魄言營魂陽也託於氣而無不之故易於魂言遊聖人以神御形以魂制魄

道藏輯要

道德真經  
彭鶴林集注

三

心集六  
八十一

故神常載魄而不載於魄如車之運百物載焉如時之行寒暑往焉心有天遊六徹相因外天地遺萬物而神未嘗有所困也豈復滯於魄哉又天一生水於物爲精地二生火於物爲神精神生於道形本生於精守而勿失與神爲一則精與神合而不離以精集神以神使形以形存神精全而不虧神用而不竭形生而不敝如日月之麗乎天如草木之麗乎土未嘗離也竊嘗申之人之生也因精集神體象斯具四達並流無所不極上際於天下蟠於地化育萬物不可爲象其名爲同帝而世之愚者役已於物失性於俗無一息之頃內存乎神馳無窮之欲外喪其精魂反從魄形反累神而下與萬

物俱化豈不惑焉

碧虛子陳景元曰道家以陽神曰魂魄樂其生陰鬼曰魄魄好其殺魂則遊魄則靜白虎通曰營者營營不定貌故謂魂爲營也舊說曰載乘也營魂也又謂營護陽氣夫魂爲陽精魄爲陰靈陽精喜動逝故仙書有拘留之術陰靈喜靜惑故仙書有制伏之法使其形體常乘載陽精陰靈抱守太和純一之氣令無散離永保長年矣夫道之抱一如鑑之含明明豈離鑑乎此教人養神也今解曰能無離乎者老氏審問之辭也

頴濱蘇轍曰聖人性定而神凝不爲物遷雖以魄爲舍而神

道藏輯要

道德真經  
彭鶴林集注

三

心集六  
X廿上

所欲行魄無不從則神常載魄矣眾人以物役性神昏而不治則神聽於魄耳目困以聲色鼻口勞以臭味魄所欲行而神從之則魄常載神矣故教之以抱神載魄使兩者不相離此固聖人所以修身之要至於古之真人深根固蒂長生久視其道亦由是也

王雱曰魄陰物形之主也神之爲物廣大通達而不自了者神常載於魄故神反拘於形體此廣者所以狹通者所以滯也欲學此道者常先廓其志氣勿累於形體使神常載魄而不載於魄則可以抱一而體神矣竊嘗論曰人之既死有升沉之異良由滅神徇形以神從魄故至於淪乎幽陰化爲異



物也若夫神完之人雖魄之陰滯精與神爲一而無所不至矣聖人之死曰神不從魄也其始也亦載魄而已

陸佃曰魂爲陽陽爲動魄爲陰陰爲止魂者神之佐其動有變而無化魄者精之輔其止有化而無變故魂言遊魄言營遊魂以言其變營魄以言其止載營魄所以外運抱一所以內守也故曰載營魄抱一能無離乎載魄所以致運抱一所以致守而內外常合而無離矣

劉涇曰人之生諸陽爲魂諸陰爲魄各有名象而藏於肝肺之間下士知之上士見之精與神相依以生而並精出入者魄也與神往來者魂也此篇言載營魄營卽魂是也黃帝曰

道藏輯要

道德真經  
彭鶴林集注

三

心集六  
X881

動以營身謂之魂易曰遊魂爲變莊子曰其魂不疲皆爲魂主經營動作爲一身之運爲魄則並精出入主化成變而已今百骸九竅具吾形者魄之屬也使非魂以營之則與行尸何以異乎魄不可以無魂猶月不可以無日魄待魂而成營月待日而生光此言魂之用而曰營言魄之體而曰魄也載謂以形載也形車也魄與魂車之積也

道真仁靜先生曹道冲曰形體本無知覺以其載負魂魄故有動作魂爲陽利於清虛魄爲陰好於營爲雖大概謂之魂魄而老子獨言魄者以陰魄好營營於慾故也

葉夢得曰人之生也以心藏神以腎藏精以肝藏魂以肺藏

魄而後形體立精神之運形體不能拘而魂魄者所以守其形體者也魂出乎陽故升而上者散而無不之易謂之遊魂魄出乎陰故沉而下者滯而不能去老氏謂之營魄營者有方之言也善攝生者常使陽勝陰陰不能撓陽故魂每載魄而與之俱

晦菴朱熹曰以車承人謂之載古今世俗之通言也以人登車亦謂之載則古文史類多有之如漢紀云劉章從謁者與載韓集云婦人以孺子載蓋皆此意今所謂營者字與熒同而爲晶明光炯之意其所謂魄則亦若余之所論於九歌者耳其意蓋以魂陽動而魄陰靜魂火二而魄水一故曰載營

道藏輯要

道德真經  
彭鶴林集注

三

心集六  
XIX

魄抱一能勿離乎言以魂加魄以動守靜以火迫水以二守一而不相離如人登車而常載於其上則魂安靜而魄精明火不燥而水不溢固長生久視之要訣也但爲之說者不能深考如河上公以營爲魂則固非字義而又并言人載魂魄之上以得生當愛養之則又失其文意獨其載字之義粗爲得之然不足以補其所失之多也若王輔嗣以載爲處以營魄爲人所常居之處則亦河上之意至於近世而蘇子由王元澤之說出焉則此二人者平生之論如水火之不同而於此義皆以魂爲神以魄爲物而欲使神常載魄以行不欲使神爲魄之所載洪慶善亦謂陽氣充魄爲魂魄能運動則其



生全矣則其意亦若蘇王之云而皆以載爲以車承人之義矣是不唯非其文意且若如此則是將使神常勞動而魄亦不得以少息雖幸免於物欲沉溺之累而窈冥之中精一之妙反爲強陽所挾以馳驚於紛拏膠擾之塗卒以陷於眾人傷生損壽之域而不自知也

專氣致柔能如嬰兒乎

御註曰易曰乾其靜也專楊雄曰和柔足以安物靜而不雜之謂專和而不暴之謂柔嬰兒居不知所爲行不知所之收藏是非美惡故氣專而致柔孟子曰蹶者趨者是氣也而反動其心心不足以專氣則氣有蹶趨之不正而心至於僨驕

道藏輯要

道德真經  
彭鶴林集注

三

心集六  
六十一

而不可係聖人虛己以遊世心無使氣之強則其靜而不雜和而不暴與嬰兒也奚擇故曰能如嬰兒乎孟子曰其爲氣也至大至剛以直養而無害則塞乎天地之間老氏之專氣則曰致柔何也至剛以行義致柔以復性古之道術無乎不在

碧虛子陳景元曰舊說曰專一也任也氣者沖和妙氣也又自然之氣也夫人卓然獨化稟自然沖和妙氣氣降形生自無染雜若乃專任沖妙知見都忘使氣自純和形自柔弱不爲眾惡所害是得嬰兒之全和也此教人養氣也

穎濱蘇轍曰神不治則氣亂強者好鬪弱者喜畏不自知也

神治則氣不妄作喜怒各以其類是之謂專氣神虛之至也  
氣實之始也虛之極爲柔實之極爲剛純性而亡氣是之謂  
致柔嬰兒不知好惡是以性全性全而氣微氣微而體柔專  
氣致柔能如嬰兒極矣

王雱曰人生有三曰精曰神曰氣精全則神王神王則能帥  
氣矣神衰而不足以帥氣則動作不常使人陷於非道孟子  
曰志者氣之帥也楊雄曰氣者所適善惡之馬歟帥懦而眾  
悖則帥必亡馬怒而御疲則車必敗神不能專氣則喜怒哀  
樂惟氣所爲流陷越佚理固然也古之士無不曉此苟未及  
此則當清心以防之孔子所謂三戒皆防氣也門人獨顏回

道藏輯要

道德真經  
彭鶴林集注

罕

心集六  
XX

能專氣故曰不遷怒氣之暴在陽而陽之發者莫暴於怒於  
怒可以無遷則非專氣而何人生本具聖質氣佚而不能專  
故自壯以往離道彌遠能抱一則神王神王則氣柔氣柔則  
真全所以與嬰兒同專者有而擅其權之謂

陸佃曰蓋內守者氣之所以致專外運者氣之所以致柔其  
守致專其運致柔而其德比於赤子然后其心可以疏濬  
其神可以澡雪而照之於天萬法俱空而無一法之累也故  
言專氣致柔能如嬰兒乎

道真仁靜先生曹道冲曰心既散辭氣亦蕩流問爾能專守  
一氣通於無間與物不逆柔而至順復命全真如嬰兒在胎



中乎

陳象古曰氣為動用之先柔為剛強之本

晦菴朱熹曰專非守之謂也只是專一無間斷致柔是到那柔之極處纔有一豪發露便是剛這氣便粗了

滌除玄覽能無疵乎

碧虛子陳景元曰舊說曰滌洗也除遣也理也玄覽心照也疵病也夫人當洗滌塵垢除遣五情內外清虛心照萬事瑕疵之病瑩然不生此教人修心也自此上三事約人修身自此下三事勸人治國也經曰修之身其德乃真修之天下其德乃溥也今解曰能無疵乎者言人欲要洗心除垢冥察內

道藏輯要

道德真經  
彭鶴林集注

聖

心集六  
川上三

外之事當能自省已躬無有疵瑕之病乎

穎濱蘇轍曰聖人外不為魄所載內不為氣所使則其滌除塵垢盡矣於是其神廓然玄覽萬物知其皆出於性等觀淨穢而無所瑕疵矣

臨川王安石曰滌除洗心也玄覽觀妙也如月之明如珠之瑩能無疵乎

劉涇曰此章以全精全氣全神為學道之根故無離以言養精如嬰兒以言養氣無疵以言養神也

陳象古曰滌如水之濯也除如掃糞穢也玄覽於是可全矣無疵玄覽之要妙故又教之以不可以有疵瑕也

清源子劉驥曰聖人以此洗心退藏於密則滌除萬念而玄覽妙理何疵之有

愛民治國能無爲乎

碧虛子陳景元曰舊說曰愛民者當愛民如赤子臨政不可苛虐賦役不可傷性治國者當務農簡事使民各遂其業而安其生斯無爲之化也今解曰能無爲乎者言人君欲愛養萬民令不傷天性治國務農使無繁細常能清靜無爲乎  
頴濱蘇轍曰旣以治身又推其餘以及人雖至於愛民治國一以無心遇之苟其有心則愛民者適所以害之治國者適所以亂之也

道藏輯要

道德真經  
彭鶴林集注

聖

心集六  
XBOI

臨川王安石曰愛民者以不愛愛之乃長治國者以不治治之乃長惟其不愛而愛不治而治故曰無爲夫無爲者用天下之有爲有爲者用天下之不足然老子方言其反本而曰愛民治國者何也蓋老子爲言其反本遂自道而起教所謂吉凶與民同患是也不惟老子之言若是凡古之聖人皆如此也

劉涇曰莊子曰道之真以治身其緒餘以治國家愛民仁也治國政也王侯之事不能無爲視以芻狗則得之

清源子劉驥曰老氏方言其反本而繼之以愛民治國何也蓋一身之設一國之象也聖人以心爲君以身爲國以氣爲



民無爲而尊君之道也心無爲而尊於上萬氣自行百骸自治保氣所以愛民全形所以治國無爲也則用天下而有餘有爲也則爲天下用而不足故愛民治國能無爲乎

黃茂材曰夫學道而至於無爲豈一日之積哉抱一矣致柔矣玄覽無疵矣然後可以至於無爲儻未能是而強欲至於無爲之地夫是之謂坐馳去道益遠國譬則身也民譬則神也愛民治國與其身同

天門開闔能爲雌乎

御註曰經曰知其雄守其雌爲天下谿聖人體天道之變化卷舒啟閉不違乎時柔剛微彰惟其所用然未嘗先人而常

道藏輯要

道德真經  
彭鶴林集注

聖

心集六  
卷廿一

隨人未嘗勝物而嘗下物故天下樂推而不厭能爲雌於是乎在

碧虛子陳景元曰天門者自然之門也自然生太極太極生天地天地生陰陽陰陽生萬物死萬物生死由之而往來故謂之天門開謂散施闔謂歛斂開則生成闔則衰滅雖生萬物而未見其生生者雖死萬物而未見其死死者生生死死而莫見其形得不謂之自然乎能體自然者其唯大人乎夫大人量包宇宙氣含陰陽所爲雌靜則生死王衰不入於胃中雌靜者自然之妙用也此戒治身治國者當以雌靜是守臨川王安石曰夫萬物由是而出由是而入故謂之天門有

開闔則有動靜有動靜則有雌雄惟其守雌以勝雄守靜以勝動故曰天門開闔能爲雌乎

劉涇曰成人人事者必因天道故此言天門莊子曰天門無有也萬物出乎無有易曰一闔一闢謂之變蓋天道主變愛民治國因諸天而已何事於雄不得已則亦應焉而已

道真仁靜先生曹道冲曰開闔者變化之道雌靜者畜養之德

黃茂材曰天門顛門也今嬰兒腦顛中開闔不佳修真至此可以上通天道故謂之天門雌與牝同

明白四達能無知乎

道藏輯要

道德真經  
彭鶴林集注

器

心集六  
川三上

穎濱蘇轍曰明白四達心也是心無所不知然而未嘗有能知之心也夫心一而已苟又有知之心者則是二也自一而二蔽之所自生而愚之所自始也今夫鏡之於物來則應之而已矣又安得知應物者乎本則無有以意加之此妄之源也

黃茂材曰無知者無所不知猶人開眼而視無所不見何嘗曰吾有見焉有見有不見謂之眼病有知有不知謂之心病自抱一凡六進而後進於無知是以齧缺問於王倪四問而四不知齧缺因躍而大喜良有以也

生之畜之生而不有爲而不恃長而不宰是謂玄德



御註曰聖人存神知化與道同體則配神明育萬物無不可者生之以遂其性畜之以極其養無愛利之心焉故生而不有無矜伐之行焉故爲而不恃無刻制之巧焉故長而不宰若是者其德深矣遠矣與物反矣故曰是謂玄德

碧虛子陳景元曰言修身治國能行上六事卽如道之生物不塞其原任其自成而已德之養物不禁其性全其素分而已夫萬物卓爾獨生聖人豈有乎哉羣類各自營爲聖人何恃乎哉且物自長養聖人安能主宰乎哉斯乃忘功忘物洞入冥極是謂淵德也王弼曰淵德者有德而不知其主乎幽冥也

道藏輯要

道德真經  
彭鶴林集注

望

心集六  
X<sub>2</sub>X<sub>1</sub>X

王雱曰玄爲妙體德之至也昔舜在側微書稱玄德蓋至德常在於無思無爲

道真仁靜先生曹道冲曰雖生成在我任其賦命不專而有之雖雕刻眾形造化萬物不恃其能長養於物不主其功潛被嘿通不自彰顯故曰玄德

陳象古曰生則品物流形各正性命也育則養之以冲和之氣得遂其自然生死也育之功治天下之所有也萬物生之以奉己而不以爲有故亦爲而不恃長而不宰矣玄德運之在心不彰於外是也

黃茂材曰經凡兩言此矣前者所言道也是第二章今之所言德

也道降而爲德德之妙者復與道合故謂之玄德

三十幅章第十一

三十幅共一轂當其無有車之用埏埴以爲器當其無有器之用鑿戶牖以爲室當其無有室之用

御註曰有無一致利用出入是謂至神有無異相在有爲體在無爲用陰陽之運萬物之理也車之用在運器之用在盛室之用在虛妙用出於至無變化藏於不累如鑑無象因物顯照

碧虛子陳景元曰此明有無功用相資而立當其轂中空虛輪得以轉行車中空虛人所以載其上故其空無之處是有

道藏輯要

道德真經  
彭鶴林集注

異

心集六  
八

轉行容載之用也埏和也埴粘土也謂工人範和粘土陶成形器取其器中空無之處是有盛受諸物之用也鑿穿也半門曰戶門傍窓謂之牖古者穴處謂穿鑿穴中之土以覆其上爲戶牖居室也取其室中空無之處故人有安存出入之用也

道真仁靜先生曹道冲曰三者皆於外有以成形內虛而受物虛因有以能受有假無以爲用

清源子劉驥曰扁鵲言人身中有五藏真氣之所會五藏各有六氣故有五六三十之會原猶車之三十幅也流轉不息通於一樞猶三十幅之共一轂也聖人知變化之樞機假有